



Titulli i projektit

Përmirësimi i aksesit rrugor Lezhë - Velë për gjenerimin e aktiviteteve turistike të një spektri të gjerë

Tipi i projektit

Zhvillim Ekonomik

Vendndodhja e projektit

Kolsh (7 fshatra), Lezhë

Buxheti i paravlerësuar

500.000 Euro

Përshkrimi dhe analiza e problemit/eve

Mosvenia në efijencë e potencialeve turistike malore me një trashëgimi të pasur vlerash, është një nga problematikat e ZF Lezhë. Mali i madhështor i Velës me lartësi dominuese në Lezhë (lartësi 1172 m mbi nivelin e detit) me peizazh tërheqës gëlqeror dhe i pasur me shpella karstike, i mbuluar me borë në periudhën e ftohtë, me brez pyjor me pishë të zezë (pyll natyral), me bimësi të pasur medicinale, me klimë me theks alpin, burime ujore të pakrahasueshme, objektet më rëndësi historike, si shkolla e Kisha, toponomia e pasur, kultivarët autokton të misrit gushtak të kultivuar nga komuniteti i fshatit të Velës, si dhe i hardhisë tajka, mbarështimi i dhisë, mbetet një vlerë e pamenaxhuar nga këndvështrimi turistik, veçanërisht nga mungesa e një aksesit rrugor.

Projekti i përmirësimit të aksesit rrugor Lezhë - Velë do të kontribuojë në:

- përhshirjen e produkteve turistike që ofron zona në itineraret dhe paketat turistike,
- lidhjen me rrjetin e operatorëve turistike,
- rritjen e vizibilitetit të ZF në ofertën (ndër)kombëtare turistike,
- gjenerimin e agroturizmit dhe aktiviteteve bujqësore e blegtorale në tërësi në zonën e Malesisë së Lezhës, si një mundësi potenciale zhvillimi,
- rikthimin e banorëve të larguar, duke mundësuar kultivimin e tokave të lëna pas dore prej vitesh,
- përmirësimi i shërbimeve të komunitetit.

Qëllimi/et specifik të projektit

Disa nga objektivat e projektit janë;

- Vënia në efijencë e potencialeve turistike që ofron zona e Velës, gjallërimi i aktiviteteve që lidhen me këto asete. Rritja e vizibilitetit të produkteve turistike në nivel ndërkombëtar.
- Gjenerimi i aktiviteve bujqësore e blegtorale në fshatrat e Malesisë së Lezhës, si një mundësi potenciale zhvillimi dhe orientimi nga agroturizmi. Rikthimi i të larguarve për vënie në kulturë të tokave të abandonuara.
- Lehtësimi e përmirësimi i shërbimeve të komunitetit që lidhen me transportin, aksesimit të shkollave, shërbimit të vorrezave, largimit të mbetjeve, etj..
- Ruajtja e mjedisit natyror, shpallja e peizazhit të Velës pejsazh i mbrojtur.



Rezultatet e pritshme dhe treguesit

- Përmirësimi i infrastrukturës rrugore Lezhës - Velë, gjallërimi i aktiviteteve turistike të shumëllojshme që lidhen me asetet e zonës së Velës. Kapacitete lokale (publike e private) që e adresojnë e zhvillojnë interesin për investime në këtë zonë.
- Vënia në prodhim e mjaft tokave të braktisura, rritja e prodhimit dhe e përfitimeve ekonomike të komunitetit.
- Rritja e interesit të komunitetit për ndalimin e degradimit mjedisor në shumë aspekte.
- Përmirësimi i cilësisë së jetesës nëpërmjet kryerjes së shërbimeve në një nivel më të lartë.

Aktivitetet e projektit

- Disa nga aktivitetet e projektit, i cili planifikohet të zgjasë 2 vite, janë;
- Projektimi për përmirësimin e aksesit rrugor Lezhë – Velë (10 km e gjatë) dhe realizimi deri në asfaltimin dhe pajisjen me të gjithë elementet që kërkon një rrugë automobilistike.
 - Organizimi i aktiviteteve turistike, si fillim me të rinjtë e shkollave të mesme, si ngjitje malore, shëtitje, ski, etj.
 - Nxitja e eksplorimeve speleologjike nëpërmjet publikimeve, rrjeteve sociale, internetit.
 - Identifikimi i itinerareve të ngjitjes malore për në Majën e Velës dhe realizimi i një sinjalistike për turet ngjitëse.
 - Aktivitete promovuese/marketimi/informimi dhe ndërgjegjësimi. (Organizimi i workshopeve dhe trajnimeve me përfaqësues të komunitetit, për të arritur në produkte turistike, si bujtina, shëtitja me kuaj, agroturizmi, aktivitete ndërgjegjësuere për mbrojtjen e mjedisit).
 - Realizimi i të gjitha praktikave për propozimin dhe shpalljen e zonës së Velës peizazh i mbrojtur natyror.

Maturimi i projektit

Projekti është produkt i shumë përpjekjeve e kontributeve të deritanishme për zhvillimin e zonës. Organizata World Vision ka bërë disa përmirësime në infrastrukturë, që adresojnë problemin e ngritur në këtë projekt. Shoqata mjedisore EIRLA ka realizuar projekte për evidentimin e vlerave natyrore dhe ndërgjegjësimin e komunitetit për mbrojtjen e tyre, ka ndihmuar në përmirësimin e aksesit ndërmjet fshatrave. Kisha katolike ka vendosur në majën e Malit të Velës shtatoren e Zonjës, pasi është edhe vend pelegrinazhi. Projekti fillon një proces të rëndësishëm jo vetëm për zonën. Në aspektin turistik vlen për një territor shumë më të gjerë, që ka të bëjë me adresimin e problematikave madhore të lidhura me vënie në efikasitet të aseteve të zonës. Kështu zona kthehet në vëmendjen dhe interesin e aktorëve lokalë, si dhe aktivizohen potencialet zhvillimore të saj.

Burimet e financimit dhe partnerët në zbatim

Burimet e financimit mund të jenë të diversifikuara: fonde lokale publike ose/dhe private, programe të ndryshme të BE-së (p.sh.: IPA), grante si dldp, etj.. Aktor i përshtatshëm për zbatimin e këtij projekti është Bashkia e madhe, njësia lokale në bashkëpunim me OJF të zonës.

Kostot e projektit

- Projektimi e realizimi i infrastrukturës rrugore rreth 10 km e gjatë Lezhë (Grykë Manati)
- Velë (450.000 Euro)
- Aktivitete promovuese/marketimi/informimi e ndërgjegjësimi (50.000 Euro)